

- a) Umsókn skal vera skrifleg og sendist IRA, sem síðan senda hana ásamt umsögn samtakanna og öðrum skilríkjum til Pósts og síma eigi síðar en 3 mánuðum áður en umsækjandi hyggst taka til starfa.
- b) Umsækjandi skal hafa gildandi amatörleyfi frá heimalandi sinu samsvarandi A-, B-, C- eða T-leyfi og skal það, eða greinilegt afrit þess, fylgja umsókninni, ásamt greinargóðum upplýsingum um tækjabúnað þann, er hann hyggst nota hérlendis.
- c) Starfsleyfi umsækjanda takmarkast af ákvæðum þessara reglna, en skal þó eigi vera víðtækara en hann hefur heimild fyrir í heimalandi sinu samkvæmt leyfisbréfi og ákvæðum þarlendra reglna.
- d) Leyfishafi skal nota kallmerki það, er honum hefur verið úthlutað í heimalandi sínu, að viðbættum bókstöfunum TF, aðskildum frá kallmerkinu með brotastriki t. d. WA3KA/TF, LG5HR/TF o. s. frv.
- e) Að öðru leyti en tekið er fram hér er leyfishafi skuldbundinn öllum öðrum ákvæðum þessara reglna og ber að haga sér samkvæmt því.

2. gr.

II. Töluliður 13. gr. orðist þannig:

- II. Erlendur ríkisborgari, getur sótt um að gangast undir íslenskt radióáhugamanna-próf enda hafi hann haft fasta búsetu hér á landi í heilt ár. Viðkomandi hlítir þá þessari reglugerð eins og íslenskur ríkisborgari. Leyfið gildir aðeins á Íslandi.

3. gr.

Við 13. gr. bætist nýr töluliður svohljóðandi:

- III. Framangreind ákvæði 13. gr. eru háð þeim takmörkunum að hermenn eða starfsmenn herliðs, sem dvelja hér á landi á vegum erlends stjórnvalds eða lýtur yfirstjórn erlends stjórnvalds eða fjölbjóðasamtaka, skulu einungis hafa heimild til að starfrækja eina radióáhugamannastöð í sameiningu með erlendu kallmerki að viðbættum bókstöfunum TF, aðskildum frá kallmerkinu með brotastriki. Sú takmörkun sem felst í þessari málsgrein gildir jafnframt um aðra þá erlenda ríkisborgara, sem hér eru vegna dvalar erlends herliðs.

4. gr.

Reglur þessar, sem settar eru samkvæmt lögum nr. 30 27. júní 1941, um fjarskipti, sbr. 4. gr. reglugerðar nr. 70 9. maí 1942, um stjórn, rekstur og eftirlit fjarskiptamála, staðfestast hér með til að öðlast gildi þegar í stað.

Samgönguráðuneytið, 11. október 1979.

Ragnar Arnalds.

Brynjólfur Ingólfsson.

REGLUGERÐ

um heimilisþjónustu á Seltjarnarnesi.

1. gr.

Bæjarstjórn fer með yfirstjórn heimilisþjónustunnar á Seltjarnarnesi.

Dagleg umsjón með framkvæmd þessara mála er í höndum félagsmálafulltrúa, er bæjarstjórn ræður til starfa.

2. gr.

Hlutverk heimilisþjónustunnar er að veita hjálp á heimilum að tilvísan læknis, hjúkrunarfræðings, ljósmóður eða að öðrum tilvísunum, sem félagsmálafulltrúi metur gildar og hjálpar annarrar en hjúkrunar sé þörf vegna elli, sjúkdóma, örorku, barnsburðar, slysa, dauðsfalla eða af öðrum ástæðum.

Hjálpin veitist þann tíma og á þann hátt, sem félagsmálafulltrúi metur að nauðsyn sé á hverju sinni.

Heimilisþjónustan felur í sér eftirtalin atriði:

1. Aðstoð við aldraða í þeim tilgangi að gera þeim kleift að dvelja lengur í heimahúsum.
2. Aðstoð við sjúklinga í heimahúsum í þeim tilgangi að stytta sjúkrahúsvist eða jafnvel að koma í veg fyrir hana.
3. Umsjón með heimili, þar sem húsmóðir eða heimilisfaðir eru veik.
4. Aðstoð við fatlaða, sem búa einir.
5. Önnur tilfelli, sem meta skal hverju sinni.

3. gr.

Bæjarstjórn gangist fyrir námskeiðum fyrir starfsfólk heimilisþjónustunnar eða gefi því kost á að sækja námskeið til þess að auka þekkingu sína á þessu sviði.

4. gr.

Félagsmálafulltrúa ber að ganga örugglega úr skugga um, að þeir aðilar er heimilishjálpin stunda, séu hæfir til starfans og séu ekki haldnir smitandi sjúkdómi.

5. gr.

Bæjarstjórn ákveður hvert form skuli vera á umsóknum um heimilisþjónustu.

6. gr.

Bæjarstjórn setur starfsfólki heimilisþjónustunnar ákveðnar starfsreglur.

7. gr.

Bæjarsjóður Seltjarnarness ber ekki fjárhagslega ábyrgð á tjóni, sem starfslið það er vinnur á vegum heimilisþjónustunnar kann að valda við störf sín.

8. gr.

Fyrir heimilisþjónustuna samkvæmt reglugerð skal sá er hjálpar nýtur, greiða eftir taxta er bæjarstjórn setur. Þar skal tekið tillit til tekna viðkomandi og kostnaðar við hjálpinu. Skal taxti þessi breytast í samræmi við breytingar á launum.

Bæjarstjórn getur sett nánari reglur um greiðslu, innheimtu og annað, sem hún telur máli skipta í þessu efni.

9. gr.

Skrifstofa Seltjarnarness annast bókhald og fjárreiður heimilisþjónustunnar og skulu reikningar hennar færðir með öðrum reikningum bæjarsjóðs og endurskoðast með sama hætti.

10. gr.

Um greiðslu kostnaðar fer samkvæmt lögum nr. 10 frá 25. janúar 1952 um heimilishjálp í viðlögum með síðari breytingum.

21. september 1979.

799

Nr. 413.

Reglugerð þessi, sem samin er og samþykkt af bæjarstjórn Seltjarnarneskaupstaðar, staðfestist hér með samkvæmt lögum nr. 10 25. janúar 1952 um heimilishjálpi í viðlögum til þess að öðlast gildi þegar í stað.

Félagsmálaráðuneytið, 21. september 1979.

F. h. r.

Hallgrímur Dalberg.

Hólmfriður Snæbjörnsdóttir.

11. október 1979.

Nr. 414.

REGLUGERÐ

um breytingu á reglugerð nr. 372 25. október 1976
um vöruhappdrætti Sambands íslenskra berkla sjúklinga.

1. gr.

1. másl. 7. gr. orðist svo: Verð ársmiða er kr. 14 400, en endurnýjunarverð í hverjum flokki kr. 1 200.

2. gr.

Reglugerð þessi, sem sett er samkvæmt lögum nr. 18 22. apríl 1959, sbr. lög nr. 32 5. maí 1969 og lög nr. 52 25. maí 1976, öðlast gildi 1. janúar 1980. Jafnframt fellur úr gildi reglugerð nr. 396 2. nóvember 1978.

Dóms- og kirkjumálaráðuneytið, 11. október 1979.

Steingrímur Hermannsson.

Ólafur W. Stefánsson.

11. október 1979.

Nr. 415.

REGLUGERÐ

um breytingu á reglugerð nr. 2 11. janúar 1979 um nýbyggingargjald.

1. gr.

Við 1. málsgrein reglugerðarinnar bætist nýr töluliður er verði 3. töluliður og orðist svo:

Byggingar sem ætlaðar eru til hreinlætisaðstöðu fyrir ferðamenn á tjaldstæðum.

2. gr.

Reglugerð þessi, sem sett er samkvæmt heimild í 8. gr. laga nr. 117/1978, öðlast gildi þegar í stað.

Fjármálaráðuneytið, 11. október 1979.

Tómas Árnason.

Höskuldur Jónsson.